



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav 1. Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU HRVATSKE DEMOKRATSKE ZAJEDNICE 1990

Broj: 03-07-6-136/10
Sarajevo, 07. februar 2011. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske demokratske zajednice 1990 za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Hrvatska demokratska zajednica 1990 prekršila je odredbe člana 8. stav (1) i stav (2) i člana 11. stav (1) Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske demokratske zajednice 1990 za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska demokratska zajednica 1990 ostvarila je prihode u ukupnom iznosu 615.084,31 KM¹, što se vidi iz sljedeće tabele:

Red. br.	Vrsta prihoda	Iznos u KM	Učešće u Uk.prih. %
1	Članarina	3.351,74	0,55%
2	Prilozi fizičkih lica	22.228,76	3,61%
3	Prilozi pravnih lica	4.700,00	0,76%
4	Prihodi od imovine	140,93	0,02%
5	Prihodi od pr.lica	0,00	0,00%
6	Prihodi od poklona	13.440,00	2,19%
7	Prihodi iz budžeta	565.494,36	91,94%
8	Ostali prihodi	5.728,52	0,93%
	Ukupni prihodi:	615.084,31	100,00%

Prema podacima iz godišnjeg finansijskog izvještaja Hrvatska demokratska zajednica 1990 ostvarila je rashode u ukupnom iznosu 567.747,35 KM.

2. PREDSTAVLJANJE POLITIČKE STRANKE

Naziv političke stranke: Hrvatska demokratska zajednica 1990.

Skraćeni naziv stranke je HDZ 1990 i HDZ 90.

Politička stranka je registrovana 13.04.2006. godine u Kantonalnom sudu u Mostaru, pod brojem: 007-0-R-06-000031.

Sjedište političke stranke je u Mostaru, Nikole Šubića Zrinskog 12/II.

Lice ovlašteno za zastupanje stranke je Božo LJubić, predsjednik stranke.

Lice ovlašteno za podnošenje finansijskih izvještaja za 2009. godinu je Ivica Drmać.

Prema podacima koje je Hrvatska demokratska zajednica 1990 navela u godišnjem finansijskom izvještaju za 2009. godinu stranka ima sljedeće organizacione dijelove nižeg nivoa:

¹ U godišnjem finansijskom izvještaju koji je stranka dostavila 02.04.2010. godine, ukupni prihodi iznosili su 604.722,91 KM, od toga članarina 3.491,74 KM, prilozi fizičkih lica 21.728,76 KM, prilozi pravnih lica 4.700,00 KM, prihodi od imovine 134,59 KM, prihodi od pravnih lica 0,00 KM, prihodi od poklona 3.840,00 KM, prihodi iz budžeta 563.207,34 KM i ostali prihodi 7.620,48 KM, dok su ukupni rashodi iznosili 558.147,35 KM. Nakon dostavljenog Preliminarnog izvještaja o pregledu godišnjeg finansijskog izvještaja za 2009. godinu od strane Službe za reviziju finansiranja političkih stranaka, stranka je izvršila korekcije obrazaca te je došlo do promjene u iskazanim ukupnim prihodima i ukupnim rashodima izvještajnog perioda.

- Središnji odbor Mostar HDZ 1990
- 6 kantonalnih odbora
- Brčko distrikt HDZ 1990
- 2 gradska odbora i
- 31 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske demokratske zajednice 1990 za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatska demokratska zajednica 1990 u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske demokratske zajednice 1990 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršena je revizija godišnjeg finansijskog izvještaja Hrvatske demokratske zajednice 1990 za 2006. godinu i izdat je izvještaj o reviziji sa mišljenjem, nalazima i preporukama revizije da je stranka postupala suprotno odredbama člana 4. stav (2) i člana 11. stav (3) Zakona o finansiranju političkih stranaka. Za 2007. godinu je izvršen pregled godišnjeg finansijskog izvještaja i izdat je izvještaj o pregledu sa nalazima i mišljenjem revizije da se stranka finansirala u skladu sa Zakonom o finansiranju političkih stranaka. Za 2008. godinu izvršena je revizija godišnjeg finansijskog izvještaja stranke i izdat je izvještaj o reviziji sa mišljenjem, nalazima i preporukama revizije da je stranka postupala suprotno odredbama člana 8. stav (1) Zakona o finansiranju političkih stranaka.

Nerealizovane preporuke

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka nije ispoštovala preporuke koje su date u izvještaju o reviziji godišnjeg finansijskog izvještaja za 2008. godinu, odnosno stranka je postupila suprotno odredbama člana 8. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

- a) **Na osnovu obavljenog pregleda i kontrole godišnjeg finansijskog izvještaja utvrđeno je da je Hrvatska demokratska zajednica 1990 prekršila odredbe člana 8. stav (1) Zakona o finansiranju političkih stranaka².**

² Državni, entitetski i kantonalni organi, organi općinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu finansirati političke stranke.

Općinski odbor HDZ 1990 Zenica je u periodu od 01.01. do 30.09.2009. godine koristio poslovni prostor Napretkovog Hrvatskog doma „Kralj Tomislav“ u Zenici bez naknade³, koji je u vlasništvu Hrvatskog kulturnog društva „Napredak“ Sarajevo. Neplaćanjem zakupnine u navedenom periodu stranka je ostvarila zabranjeni prilog u iznosu od 1.395,00 KM, čija je vrijednost utvrđena na osnovu naknadno potpisanog Ugovora o zakupu poslovnog prostora⁴.

b) Na osnovu obavljenog pregleda i kontrole godišnjeg finansijskog izvještaja utvrđeno je da je Hrvatska demokratska zajednica 1990 prekršila odredbe člana 8. stav (2) Zakona o finansiranju političkih stranaka⁵.

Prema podacima iz godišnjeg finansijskog izvještaja utvrđeno je da je Županijski odbor HDZ 1990 Soli – Tuzla primio zabranjeni prilog pravnog lica „Riva d.o.o.“ Tuzla u iznosu od 400,00 KM. Naime, pravno lice „Riva d.o.o.“ je na osnovu tendera za nabavku prehrambenih proizvoda za godišnje potrebe ugovornog organa - ustanove „Javna zdravstvena ustanova Univerzitetski klinički centar Tuzla“ zaključilo Ugovor broj ZJN 153/08 od 01.11.2008. godine sa navedenim javnim subjektom na kantonalnom nivou. Trajanje navedenog ugovora ili rok izvršenja je na period od 2 godine od dodjele ugovora. Na osnovu naprijed navedenog, a u skladu sa odredbama Zakona o finansiranju političkih stranaka, pravno lice „Riva d.o.o.“ nesmiye finansijski pomagati političke stranke, te se prilog u iznosu od 400,00 KM smatra zabranjenim.

c) Na osnovu obavljenog pregleda i kontrole godišnjeg finansijskog izvještaja utvrđeno je da je Hrvatska demokratska zajednica prekršila odredbe člana 11. stav (1) Zakona o finansiranju političkih stranaka.

Stranka u kontrolisanom periodu nije vodila adekvatne evidencije o svojim prihodima i rashodima i na taj način postupila je suprotno odredbama člana 11. stav (1) Zakona o finansiranju političkih stranaka.⁶

Stranka u svojim poslovnim knjigama nije evidentirala prihode od donacija 5 (pet) fizičkih lica u ukupnom iznosu od 9.600,00 KM po osnovu korištenja poslovnih prostora bez naknade, niti troškove zakupnine po tom osnovu, za slijedeće organizacione dijelove stranke:

- Općinski odbor HDZ 1990 Usora je koristio poslovni prostor u vlasništvu fizičkog lica bez naknade. Na osnovu Izjave predsjednika OO HDZ 1990 Usora od 09.07.2010. godine, utvrđeno je da vrijednost nenovčane donacije fizičkog lica za 2009. godinu iznosi 1.800,00 KM.
- Općinski odbor HDZ 1990 Kakanj je koristio poslovni prostor u vlasništvu fizičkog lica bez naknade. Na osnovu Izjave predsjednika OO HDZ 1990 Kakanj, utvrđeno je da vrijednost nenovčane donacije fizičkog lica za 2009. godinu iznosi 600,00 KM.
- Općinski odbor HDZ 1990 Zavidovići je koristio poslovni prostor u vlasništvu fizičkog lica bez naknade. Na osnovu Izjave predsjednika OO HDZ 1990 Zavidovići, utvrđeno je da vrijednost nenovčane donacije fizičkog lica za 2009. godinu iznosi 1.200,00 KM.
- Općinski odbor HDZ 1990 Ljubuški je koristio poslovni prostor u vlasništvu fizičkog lica bez naknade. Na osnovu izjave fizičkog lica, vlasnika poslovnog prostora, utvrđeno je da vrijednost nenovčane donacije fizičkog lica za 2009. godinu iznosi 2.400,00 KM.

³ Izjava predsjednika OO HDZ 1990 Zenica.

⁴ Ugovor o zakupu poslovnog prostora zaključen dana 30.09.2009.godine, između HKD Napredak Sarajevo (zakupodavac) i OO HDZ1990 Zenica. Iznos mjesečne zakupnine po ovom ugovoru je 155,00 KM.

⁵ Privatna preduzeća koja obavljaju javne usluge na osnovu ugovora sa vladom ne mogu finansijski pomagati političke stranke.

⁶ Političke stranke vode evidenciju o svojim prihodima i rashodima. Politička stranka je dužna da Centralnoj izbornoj komisiji BiH podnese finansijski izvještaj za svaku kalendarsku (računovodstvenu) godinu.

- Općinski odbor HDZ 1990 Domaljevac-Šamac je koristio poslovni prostor u vlasništvu fizičkog lica bez naknade. Na osnovu izjave vlasnika prostora, utvrđeno je da vrijednost nenovčane donacije fizičkog lica za 2009. godinu iznosi 3.600,00 KM.
- Kontrolom godišnjeg finansijskog izvještaja koji je stranka dostavila Centralnoj izbornoj komisiji BiH, utvrđeno je da stranka u svojim poslovnim knjigama nije iskazala sve prihode koje je u 2009. godini primila iz budžeta i to za slijedeće organizacione dijelove stranke:
Na osnovu dopisa Službe za gospodarstvo, financije i pitanje branitelja Općine Kupres broj 04-14-109/10 od 08.04.2010. godine, koji je na zahtjev dostavljen Centralnoj izbornoj komisiji BiH, utvrđeno je da stranka nije iskazala u svojim poslovnim knjigama, prihod iz budžeta Općine Kupres u ukupnom iznosu od 1.011,02 KM.
Uvidom u dostavljenu dodatnu dokumentaciju, izvode transakcijskog računa organizacionog dijela stranke u Bugojnu⁷, utvrđeno je da je stranka u svojim poslovnim knjigama iskazala prihode iz budžeta Općine Bugojno u manjem iznosu za 400,00 KM.
- Na osnovu Ugovora o kratkoročnoj pozajmici sklopljenog dana 01.12.2009. godine u Kiseljaku, utvrđeno je da je davatelj pozajmice uplatio OO HDZ 1990 Kiseljak iznos od 392,60 KM. Navedeni iznos stranka je u svojim poslovnim knjigama iskazala kao ostali prihod, umjesto na kratkoročne obaveze što je u skladu sa računovodstvenim propisima trebalo učiniti, čime je i ukupni prihod stranke neosnovano uvećan za 392,60 KM.

5.2. PREPORUKE

Preporučuje se Hrvatskoj demokratskoj zajednici 1990 da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- ❖ *da postupa u skladu sa odredbama člana 8. stav (1) i stav (2) Zakona o finansiranju političkih stranaka, odnosno da ne prima priloge koji su zabranjeni ovim zakonom*
- ❖ *da postupa u skladu sa odredbama člana člana 11. stav (1) i to:*
- ❖ *da vodi evidencije o svim svojim prihodima i rashodima*
- ❖ *da utvrdi i knjigovodstveno evidentira stvarno stanje svojih obaveza i*
- ❖ *da finansijske izvještaje koje podnosi Centralnoj izbornoj komisiji BiH sačinjava u formi i na način propisan Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Hrvatska demokratska zajednica 1990 se aktom od 27.01.2011. godine očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2009. godinu, koji je dostavljen stranci 17.01.2011. godine.

Služba za reviziju je razmotrila ispravljene obrasce koje je dostavila Hrvatska demokratska zajednica 1990 i uvažila ispravke, a odnose se na iskazivanje priloga fizičkih lica u smislu odredbi člana 6. Zakona o finansiranju političkih stranaka. Uz očitovanje stranka je dostavila slijedeće obrasce: obrazac 1 (*Opći podaci o političkoj stranci*), obrazac 3 (*Ukupni prihodi političke stranke*), Prilog uz Obrazac 3, Obrazac 3-a (*Prilozi fizičkih lica veći od 100 KM*) za svoja četiri organizaciona dijela, Obrazac 3-e (*Nenovčane donacije i računi koje političke stranke nisu imale obavezu platiti*) za svojih pet organizacionih dijelova, Obrazac 3-f (*Prihodi iz budžeta*), Obrazac 4 (*Rashodi političke stranke*),

⁷ Intesa Sanpaolo banka dd broj transakcijskog računa 1549652000717220. Izvod broj 8 od 27.02.2009. godine uplata od 100,00 KM i izvod broj 65 od 04.11.2009. godine uplata u iznosu od 300,00 KM.

Prilog uz Obrazac 4, Obrazac 4-1 (*Režijsko-administrativni i ostali troškovi*) za svojih pet organizacionih dijelova i Obrazac 5 (*Zajmovi, krediti i dugovi*) u kojima je u skladu sa odredbama člana 13. stav (3) Zakona o finansiranju političkih stranaka dobrovoljno otklonila nedostatke, po osnovu kojih je u Preliminarnom izvještaju o pregledu stranci bilo stavljeno na teret kršenje odredbi člana 11. stav (3) Zakona o finansiranju političkih stranaka.

Argumentovane primjedbe su ugrađene u Izvještaj o pregledu godišnjeg finansijskog izvještaja za 2009. godinu.

Mr.Hasida Gušić, šef Službe za reviziju

Nevenko Andan, revizor

Amela Batuš, pomoćnik revizora